
Бағдодда маҳаллалар инфратузилмасини ривожлантириш учун жорий йил якунига қадар қарийб 32,7 млрд. сўм йўналтирилади

Ўзбекистон Республикаси Президентининг “2022-2023 йиларда маҳаллалар инфратузилмасини янада яхшилаш бўйича қўшимча чора-тадбирлар тўғрисида”ги 408-сонли Қарорига мувофиқ, Бағдод туманида жами 39 та лойиҳани амалга ошириш учун 32 млрд. 690 млн. сўм маблағ ажратилди.

Ушбу лойиҳаларнинг 23 таси ички хўжалик йўлларини асфальтлаш (жами – 38,6 км), 14 таси ичимлик сув таъминотини яхшилаш (32,3 км масофада ичимлик сув тармоқларини янгидан тортиш, 14 та сув қудуғини қазиш, 3 та трансформатор, 9 та сув минораси ва 5 та сув нососи ўрнатиш, мавжуд 3 км узунликдаги тармоқни таъмирлаш), 1 таси электр таъминотини яхшилаш (2 та трансформатор ва 70 та бетон таянч ўрнатиш, 800 метр тармоқ тортиш) ва яна 1 таси аҳоли томорқаларини суғоришдаги муаммоларни бартараф этишга (2 та тик қудуқ қазиш) қаратилган.

Давлатимиз раҳбари ташаббуси билан Қорақалпоғистон Республикаси, вилоятлар ва Тошкент шаҳри бўйича ҳудудий ишчи гуруҳлар ташкил этилиб, улар томонидан маҳаллаларда аҳолининг турмуш даражасига бевосита таъсир кўрсатувчи энг долзарб масалалар ўрганилган ва 2022-2023 йилларда маҳаллалар инфратузилмасини ривожлантириш бўйича лойиҳалар дастури ишлаб чиқилди.

Туман ҳокими Юсуфжон Хусаинов ва сектор раҳбарлари ҳудудларда маҳалла фаоллари, оқсоқоллар, кўчабошилар ва меҳнат фахрийлари билан учрашиб, амалга оширилажак бунёдкорлик ишлари ҳақида тўлиқ маълумотлар бермоқдалар.

Учрашувларда аҳоли вакиллари, ўзлари билдирган таклифлар эътибордан четда қолмаётганини таъкидлашиб, инсон қадрини улуғлашга қаратилган ислохотлардан мамнун эканликларини изҳор қилишмоқда.

Бағдод тумани ҳокимлиги Ахборот хизмати.

2022-11-07 16:48:50